

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primljeno:		
Org. jed.	Kl. ozna.	17-06-2022
01	03	1844/22

Broj: 02-03-1745/22-AP-4
Datum: 17.06.2022. godine

GRADSKO VIJEĆE ZAVIDOVIĆI
n/r PREDSJEDAVAJUĆA GRADSKOG VIJEĆA
mr. iur. Erna Merdić Smailhodžić

PREDMET: Nacrt Odluke o izmjenama i dopunama
Odluke o javnom redu i miru, dostavlja se

U prilogu akta dostavljam Vam Nacrt Odluke o izmjenama i dopunama Odluke o javnom redu i miru.

Nacrt Odluke o izmjenama i dopunama Odluke o javnom redu i miru dostavljam Gradskom vijeću Zavidovići radi uvrštavanja u dnevni red sjednice Gradskog vijeća.

S poštovanjem

Dostavljeno:

1. Naslovu,
2. U spis.

GRADONAČELNIK

doc. dr. Hašim Mujanović



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
Služba za upravu privrede, lokalni razvoj,
infrastrukturu i međunarodnu saradnju
Broj: 03-45-10- 154 /22
Datum: 14.06.2022.godine



GRADONAČELNIK
-ovdje-

PREDMET: Dorađena Odluka o izmjenama i dopunama Odluke o javnom redu i miru,
dostavlja se

Postupajući po Vašem Nalogu broj: 02-03-1745/22-AP-2 od 13.06.2022. godine, u prilogu akta dostavljamo Vam Odluku o izmjenama i dopunama Odluke o javnom redu i miru („Službeni glasnik općine Zavidovići“, broj: 2/2012, 4/14 i 3/2017).

Naime, Zaključkom Općinskog vijeća broj: 01-04-818/22-AP-7 od 31.03.2022. godine, prihvaćena je Inicijativa vijećnika Šemse Fehrića za dopunu i izmjenu Odluke o javnom redu i miru („Službeni glasnik općine Zavidovići“, broj: 2/12, 4/14 i 3/17) na način da se se iza člana 17. doda novi član 17. a., koji bi glasio: „Zabranjeno je upućivanje prijetnji, vrijeđanje, omalovažavanje ili drugi vid uznemiravanja građana putem javnih portala ili društvenih mreža. Mjestom činjenja ovog prekršaja se smatra mjesto gdje boravi osoba prema kojoj je nastupila štetna posljedica.“

Pored navedenog ovom Odlukom se skraćuje radno vrijeme za rad ugostiteljskih objekata vrste noćni klub i noćni bar, te određuje period u kojem je zabranjeno izvođenje i organizovanje izvođenja muzike uživo i upotrebljavanje uređaja za reprodukciju muzike u ugostiteljskim objektima.

Obzirom da su stanari zgrada u kojima se nalaze ugostiteljski objekti, kao i stanari zgrada u blizini ugostiteljskih objekata u više navrata podnosili peticije za promjenu radnog vremena u ugostiteljskim objektima zbog narušavanja javnog reda i mira, te imajući u vidu učestale prijave narušavanja javnog reda i mira, ujedno se ovom Odlukom radno vrijeme ugostiteljskih objekata iz grupe „barovi“ vrsta noćni bar i noćni klub zabranjuje u periodu od 24:00 do 06:00 sati u kolektivno stambenim i stambeno-poslovnim objektima u naseljenim mjestima.


S poštovanjem!

POMOĆNIK GRADONAČELNIKA


mr. sc. Džeraldina Miličević

Dostavljeno:

- Naslovu
- a/a

obradila: 
Amira Šibonjić dipl. pravnik.

Grad Zavidovići, Ulica Safvet-bega Bašagića broj 9, 72220 Zavidovići
Telefon: 032/206-780 info, fax: 032/206-706, www.zavidovici.ba, grad.zavidovici@zavidovici.ba, opzdicici@bih.net.ba





Broj: 02-03-1745/22-AP-3
Datum: 17.06.2022. godine

Na osnovu člana 12. Zakona o javnom redu i miru („Službene novine Zeničko-dobojskog kantona“, broj: 8/00, 15/03, 11/2007 i 8/08), člana 8. stav (3) alineja (17) Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06), člana 10. stav (1) tačka 2. Privremene Statutarne Odluke Grada Zavidovići („Službeni glasnik Općine Zavidovići“, broj: 4/22), člana 19. stav (2) Statuta Općine Zavidovići („Službeni glasnik Općine Zavidovići“, broj: 5/2008, 5/a/2008 i 11/2019) i Zaključka Općinskog vijeća broj: 01-04-818/22-AP-7 od 31.03.2022. godine, Gradsko vijeće Zavidovići na __. sjednici, održanoj __. __. 2022. godine donijelo je

O D L U K U
o izmjenama i dopunama Odluke o javnom redu i miru

Član 1.
(Usklađivanje nivoa buke)

(1) U članu 4. Odluke o javnom redu i miru („Službeni glasnik Općine Zavidovići“, broj: 2/2012, 4/2014 i 3/2017) stav (1), tačka b) mijenja se i glasi:

b) u ugostiteljskim objektima disko barovi, disko klubovi od 02:00 do 06:00.“

(2) U članu 4. Odluke iza tačke b) dodaje se tačka c) i d), koje glase:

„c) u ugostiteljskim objektima noćni klubovi i noćni barovi, koji posluju van kolektivno stambenih, stambeno-poslovnih objekata i van naseljenih mjesta u zatvorenim prostorijama, od 02:00 do 06:00.“

d) Svi ugostiteljski objekti koji puštaju muziku, dužni su imati ugrađene limitatore - graničnike zvuka, odnosno elektronske regulatore regulirane tako da nivo buke bude usklađen sa odredbama Zakona o zaštiti od buke („Službene novine Zeničko-dobojskog kantona“, broj: 1/2014).“

Član 2.
(Zabrana upućivanja prijetnji, vrijeđanja i uznemiravanja)

Iza člana 17. Odluke o javnom redu i miru dodaje novi član 17.a, koji glasi:

„Član 17a.
(Zabrana upućivanja prijetnji, vrijeđanja i uznemiravanja)

„(1) Zabranjeno je upućivanje prijetnji, vrijeđanje, omalovažavanje ili drugi vid uznemiravanja građana putem javnih portala ili društvenih mreža.

(2) Mjestom činjenja ovog prekršaja se smatra mjesto gdje boravi osoba prema kojoj je nastupila štetna posljedica.“

Član 3.
(Nadzor)

U članu 19. stav (1) Odluke o javnom redu i miru ispred broja „17.“ veznik „i“ zamjenjuje se interpunkcijskim znakom „zarez“, a iza broja „17“ dodaju se veznik i broj „ i 17a“.

Član 4.
(Stupanje na snagu)

Ova Odluka stupa na snagu prvog narednog dana od dana objavljivanja u “Službenom glasniku Grada Zavidovići”.

PREDSJEDAVAJUĆA
GRADSKOG VIJEĆA

mr. iur. Erna Merdić Smailhodžić

OBRAZLOŽENJE

USTAVNOPRAVI I ZAKONSKI OSNOV ZA UVOĐENJE ODLUKE

U članu 12. Zakona o javnom redu i miru („Službene novine Zeničko-dobojskog kantona“, broj: 8/00, 15/03, 11/2007 i 8/08) određeno je: „Općinsko vijeće može svojom odlukom propisati i druge prekršaje protiv javnog reda i mira“.

U članu 8. stav (3) alineja 16. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06) određeno je: „U vlastite nadležnosti jedinice lokalne samouprave posebno spadaju: analiza stanja javnog reda i mira, sigurnosti ljudi i imovine, te predlaganje mjera prema nadležnim organima za ova pitanja“.

U članu 19. stav (2) Statuta Općine Zavidovići („Službeni glasnik Općine Zavidovići“, broj: 5/2008, 5/a/2008 i 11/2019) određeno je: „Općinsko vijeće donosi opće akte i druge akte u okviru samoupravnog djelokruga Općine te obavlja druge poslove u skladu sa Ustavom, zakonom i ovim statutom.“

U članu 10. stav (1) tačka 2. Privremene Statutarne Odluke Grada Zavidovići („Službeni glasnik Općine Zavidovići“, broj: 4/22) određeno je: „Gradsko vijeće u okviru svoje nadležnosti donosi odluke i druge opće akte kojima uređuje pitanja iz samoupravnog djelokruga Grada.“

Zaključkom Općinskog vijeća broj: 01-04-818/22-AP-7 od 31.03.2022. godine prihvaćena je Inicijativa vijećnika Šemse Fehrića za dopunu i izmjenu Odluke o javnom redu i miru, te je za realizaciju navedene Inicijative zadužen Općinski načelnik i Služba za upravu privrede, lokalni razvoj, infrastrukturu i međunarodnu saradnju.

RAZLOZI ZA UVOĐENJE ODLUKE I OBJAŠNJENJE ODABRANE POLITIKE

Zaključkom Općinskog vijeća broj: 01-04-818/22-AP-7 od 31.03.2022. godine prihvaćena je Inicijativa vijećnika Šemse Fehrića za dopunu i izmjenu Odluke o javnom redu i miru („Službeni glasnik Općine Zavidovići“, broj: 2/12, 4/14 i 3/17) na način da se se iza člana 17. doda novi član 17.a., koji bi glasio:

„Zabranjeno je upućivanje prijetnji, vrijeđanje, omalovažavanje ili drugi vid uznemiravanja građana putem javnih portala ili društvenih mreža. Mjestom činjenja ovog prekršaja se smatra mjesto gdje boravi osoba prema kojoj je nastupila štetna posljedica.“

Postupajući po navedenom Zaključku, a imajući u vidu da je online nasilje postalo uobičajena praksa širenja mržnje, uvreda i uznemiravanja građana bez ikakvih posljedica, neophodno je donijeti odluku kojima bi se takvi postupci spriječili i sankcionisali.

Pored navedenog ovom Odlukom se skraćuje radno vrijeme za rad ugostiteljskih objekata vrste noćni klub i noćni bar, te određuje period u kojem je zabranjeno izvođenje i organizovanje izvođenja muzike uživo i upotrebljavanje uređaja za reprodukciju muzike u ugostiteljskim objektima.

Obzirom da su stanari zgrada u kojima se nalaze ugostiteljski objekti, kao i stanari zgrada u blizini ugostiteljskih objekata u više navrata podnosili peticije za promjenu radnog vremena u ugostiteljskim objektima zbog narušavanja javnog reda i mira, te imajući u vidu učestale prijave narušavanja javnog reda i mira ovom Odlukom se radno vrijeme ugostiteljskih objekata iz grupe „barovi“ vrsta noćni bar i noćni klub zabranjuje u periodu od 24:00 do 06:00 sati u kolektivno stambenim i stambeno-poslovnim objektima u naseljenim mjestima.

ODREDBE KOJE SE MIJENJAJU

Član 4.

Zabranjeno je izvoditi i organizovati izvođenje muzike uživo i upotrebljavati uređaje za reprodukciju muzike u ugostiteljskim objektima kako slijedi:

a) u zatvorenom prostoru u ugostiteljskim objektima koji se nalaze u poslovnim i stambeno-poslovnim zgradama od 22:00 do 06:00 sati u zimskom periodu, odnosno od 23:00 do 06:00 sati u ljetnom periodu,

b) u ugostiteljskim objektima iz grupe „barovi“ od 02:00 do 06:00 sati.

OBRAZLOŽENJE PRAVNIH RJEŠENJA U ODLUCI

Izmjenama i dopunama Odluke o javnom redu i miru („Službeni glasnik Općine Zavidovići“, broj: 2/12, 4/14 i 3/17) u članu 17a. utvrđuje se zabrana upućivanja prijetnji, vrijeđanja, omalovažavanja ili drugi vid uznemiravanja građana putem javnih portala ili društvenih mreža i mjesto činjenja prekršaja, te nadzor nad sporovođenjem ove odredbe.

U članu 4. Odluke ograničava se radno vrijeme ugostiteljskih objekata vrste noćni klub i noćni bar, te se zabranjuje izvođenje muzike uživo i reprodukcija muzike putem akustičnih uređaja u stambeno-poslovnim poslovnim objektim poslije 24:00 sata, te nalaže usklađivanje nivoa buke u ugostiteljskim objektima u skladu sa zakonskim propisima.

PROVEDBENI MEHANIZMI I NAČIN OSIGURAVANJA POŠTIVANJA ODLUKE

Provedbeni mehanizmi i način osiguravanja ove Odluke su nadležni nadzorni organi, koji u okviru svojih ovlaštenja provode nadzor nad primjenom Odluke, te izriču sankcije za nepoštivanje odredaba Odluke.

OBRAZLOŽENJE FINANSIJSKIH SREDSTAVA ZA PROVOĐENJE ODLUKE I FINANSIJSKI EFEKTI ODLUKE

Za realizaciju ove Odluke nisu potrebna finansijska sredstva.

OPIS KONSULTACIJA VOĐENIH U PROCESU IZRADE ODLUKE

Prilikom izrade ove Odluke konsultovani su propisi navedeni, koji su pravni osnov za donošenje Odluke.

Obradila:



(Amira Šibonjić)

Kontrolisala:


(Džeraldina Miličević)



GRADONAČELNIK


doc. dr. Hašim Mujanović

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE

**Komisija za Statut i propise**

Broj: 01-04-1818/12

Datum, 20.03.2012.godine

Na osnovu člana 137. Poslovnika o radu Općinskog vijeća Zavidovići ("Službeni glasnik općine Zavidovići", broj 12/08) Komisija za Statut i propise ovlašćena je da utvrdi prečišćeni tekst Odluke ili općeg akta koji sadrži integralni tekst akta čiji se tekst utvrđuje.

Članom 4. Odluka o izmjenama i dopunama Odluka o javnom redu i miru ("Službeni glasnik općine Zavidovići", broj 4/2011), Komisija za Statut i propise ovlaštena je da izradi prečišćeni tekst Odluke o javnom redu i miru.

Prečišćeni tekst Odluke o javnom redu i miru, sadrži:

1. Odluka o javnom redu i miru ("Službeni glasnik općine Zavidovići", broj 11/2007),
2. Odluka o izmjenama i dopunama Odluka o javnom redu i miru ("Službeni glasnik općine Zavidovići", broj 7/2008),
3. Odluka o izmjenama i dopunama Odluka o javnom redu i miru ("Službeni glasnik općine Zavidovići", broj 5/2009),
4. Odluka o izmjenama i dopunama Odluka o javnom redu i miru ("Službeni glasnik općine Zavidovići", broj 4/2011),

Komisija za Statut i propise na 44.sjednici od 20.03.2012. godine, utvrdila je

O D L U K U
o javnom redu i miru
(prečišćeni tekst)

I-OPĆE ODREDBE**Član 1.**

Ovom Odlukom reguliše se javni red i mir na cijelom području općine Zavidovići, te se utvrđuje koje radnje, postupci i ponašanja predstavljaju narušavanje javnog reda i mira, a kojim se remeti normalan način života građana, narušava i ugrožava njihova sigurnost, ometa rad državnih organa i pravnih lica, narušava javni moral, izuzev prekršaja javnog reda i mira propisanih Zakonom, te propisuju prekršajne sankcije.

Pod javnim mjestom u smislu ove Odluke podrazumijeva se mjesto na kojem je slobodan pristup pojedinačno neodređenim licima bez uvjeta ili pod određenim uvjetima.

II- POSEBNE ODREDBE O ZAŠTITI JAVNOG REDA I MIRA**Član 2.**

Na javnim mjestima gdje se stvaraju redovi građana, kao što su šalteri, javne blagajne, sredstva javnog prevoza i slično, zabranjeno je stvaranje nereda izazvano guranjem i ulaženjem preko reda.

Građani su dužni da se na mjestima iz prethodnog stava i sličnim mjestima, svrstavaju u redove po redu dolaska, osim invalidnih lica, trudnica i roditelja sa djecom do 5 godina starosti, kojim se daje prednost pri kupovini ulaznica i ulaska u objekte.

Član 3.

U naselju, na otvorenom prostoru, zabranjeno je upotrebljavati aparate - muzičke instrumente sa pojačanjem zvuka.

Izuzetno, Služba za upravu društvenih djelatnosti i opću upravu može dati odobrenje za izvođenje muzike uživo, uz korištenje sredstava za pojačanje zvuka na lokacijama iz prethodnog stava organizatorima kulturnih i drugih manifestacija od šireg značaja (kulturne, sportske i slične manifestacije, predizborni skupovi i sl.).

Odobrenje iz prethodnog stava izdaje se na određeno vrijeme, sa tačnom oznakom vremenskog perioda u kojem će se izvoditi muzika uz upotrebu sredstava za pojačanje zvuka.

Ukoliko nadležni organ policije utvrdi da se muzika iz stava 2. ovog člana izvodi mimo vremena određenog u odobrenju, ili da je mir građana narušen, izriče na licu mjesta mjeru zabrane izvođenja muzike.

Član 4.

Zabranjeno je izvoditi i organizovati izvođenje muzike uživo i upotrebljavati uređaje za reprodukciju muzike u ugostiteljskim objektima kako slijedi:

- a) u zatvorenom prostoru u ugostiteljskim objektima koji se nalaze u poslovnim i stambeno-poslovnim zgradama od 22,00 do 6,00 sati u zimskom periodu, odnosno od 23,00 do 6,00 sati u ljetnom periodu,
- b) u ugostiteljskim objektima iz grupe «barovi» od 02,00 do 06,00 sati.

Član 5.

Na javnim mjestima i sportskim poligonima koji se nalaze neposredno uz stambene objekte zabranjeno je pjevanje, vikanje, igranje kola, plesanje, sviranje i galama u vremenu od 16,00 do 18,00 sati i od 22,00 do 6,00 sati narednog dana.

Član 6.

Uslužni objekti su dužni da se pridržavaju radnog vremena utvrđenog njihovim aktima, a na ulazu u objekat mora stajati natpis sa radnim vremenom.

Zabranjen je rad:

- a) Klasičnih prodavnica, samoposluga, diskontnih prodavnica, butika, robnih kuća, kioska, prodajnih stolova, pokretnih prodavnica, automata, skladišta-stovarišta, administrativnih prostora trgovina na osnovu uzorka i u tranzitu, tržnica na veliko, tržnica na malo, trgovinskih centara, stočnih pijaca, sajмова i vašara, stočnih sajмова, otkupnih stanica poljoprivrednih proizvoda i stoke i ostalih trgovačkih objekata u smislu Zakona o trgovini u vremenu od 22,00 do 6,00 sati, osim dragstora, apoteka i benzinskih pumpnih stanica gdje radno vrijeme može trajati od 0,00 do 24,00 sati,
- b) Ugostiteljskih objekata, odnosno radnji, u vremenu od 24,00 do 6,00 sati,
- c) Ugostiteljskih objekata vrste noćni klub, noćni bar, disko klub u vremenu od 2,00 do 6,00 sati, osim ugostiteljskih objekata za smještaj gostiju i pekara gdje radno vrijeme može trajati od 0,00 do 24,00 sata.

Izuzetno od prethodnog stava, ugostitelji mogu u ugostiteljskim objektima organizovati produžen rad istog za vrijeme državnih i vjerskih praznika.

Ugostitelj je dužan pribaviti odobrenje iz prethodnog stava za rad ugostiteljskog objekta duže od radnog vremena iz tačke b. i c. stav 2. ovog člana od općinskog organa nadležnog za poslove ugostiteljstva.

Nadležni organ može izdati odobrenje iz prethodnog stava samo uz prethodno pribavljeno mišljenje Policijske uprave III, Policijske stanice Zavidovići.

Zabranjen je rad objekata iz stava 2. tačka a. ovog člana u dane državnih praznika izuzev trgovinskih centara, apoteka, specijalnih prodavnica pekarskih proizvoda i kioska za prodaju štampe.

Član 7.

Na javnim i vjerskim skupovima, svadbama, u ugostiteljskim objektima zabranjeno je nošenje predmeta kojim se može nanijeti tjelesna povreda, odnosno koji su očito namijenjeni za tuču.

Zabranjeno je nošenje i upotreba predmeta i naprava u vidu prački, svih sredstava za ličnu zaštitu (sprej) ili sličnih sredstava kojim se ugrožava bezbjednost drugih lica i imovine.

Na javnom mjestu zabranjena je prodaja i bacanje petardi i drugih pirotehničkih sredstava čijom se upotrebom izaziva uznemirenost građana.

Zabranjeno je na javnom mjestu bacanje i lomljenje boca i sličnih predmeta pogodnih da povrijede drugu osobu.

Član 8.

Na prolaznike i automobile zabranjeno je bacanje leda i snijega (grudve), kamenja ili drugih predmeta kao i bacanje predmeta iz zgrada ili ograđenih prostora ili prosipanje tekućina i slično.

Zabranjeno je prskanje prolaznika vodom prilikom pranja ulica, pločnika, dvorišta i balkona, zalijevanja vrtova i travnjaka te prljavštinom ispod točkova vozila u pokretu.

Član 9.

Zabranjeno je:

- a) puštanje i vođenje psa na javnom mjestu bez zaštitne korpice na njušci i povodca;
- b) uvođenje životinja u ugostiteljske i slične objekte;
- c) držanje opasne životinje na način kojim se može ugroziti život i zdravlje građana i neisticanje upozorenja na opasnost od takvih životinja na ulazu i zatvorenom dvorištu ili drugom određenom prostoru gdje su smještene;
- d) držanje životinja koje remete noćni mir građana u naseljenom mjestu;
- e) surovo postupanje sa životinjama na javnom mjestu, podstrekavanje na borbu i izazivanje životinja.

Član 10.

Zabranjeno je ulaženje u prostorije i prostore preduzeća i javnih ustanova i drugih ustanova na mjestima koja nisu određena za ulaz, kao i izlaženje van mjesta određenih za izlaz. Za ovaj prekršaj kazniti će se i lice koje neovlašteno ulazi prostor, prostorije privrednih društava i poslovne prostorije (trgovačke, ugostiteljske, obrtničke i slične prostorije) suprotno pravilima njihovog unutrašnjeg reda.

Član 11.

Zabranjeno je unošenje alkoholnih pića od strane posjetilaca u stacionirane ustanove i sportske objekte za vrijeme održavanja sportskih i kulturnih manifestacija, a naročito se zabranjuje konzumiranje alkoholnih pića ispred prodavnica i kioska, kao i prodaja alkoholnih pića od strane organizatora.

Zabranjeno je točenje alkoholnih pića u ugostiteljskim objektima ili vršenje prodaje alkohola u trgovačkim radnjama licima mlađim od 18 godina.

Zabranjeno je konzumiranje alkohola izvan ugostiteljskih objekata, na ulici, trgu, u parkovima, na pijaci, autobusnoj i željezničkoj stanici, u prevoznom sredstvu javnog saobraćaja, ispred trgovačkih radnji, spomenika, na ostalim javnim površinama i slično.

Član 12.

Zabranjeno je sjedenje na izlazima iz objekata, pultovima kioska, trotoarima, ivičnjacima, mostovima, ogradama, i drugim mjestima na kojim bi se takvom radnjom ometalo kretanje pješaka.

Zabranjeno je ležanje i spavanje na ulici, putu, klupama u parkovima, čekaonicama, autobusnim stajalištima, pod mostovima i sličnim mjestima.

Član 13.

Zabranjeno je pisanje, crtanje grafita i lijepljenje plakata na fasadama zgrada izvan dozvoljenih mjesta.

Zabranjeno je oštećivanje poslovnih, stambenih ili drugih objekata.

Član 14.

Zabranjeno je na riječnim plažama i bazenima kupanje bez odjeće, vršenje bludnih radnji na javnom mjestu te vršenje nužde na mjestima koja za to nisu predviđena.

Član 15.

Zabranjeno je čupanje ili otuđivanje sadnica i drugog rastinja sa javnih površina, te igranje nogometa, košarke, tenisa i druge sportske aktivnosti na ulicama, trgovima, parkovima, zelenim i drugim javnim površinama, koje nisu namijenjene za tu svrhu.

Član 16.

Zabranjeno je pranje motornih vozila i čilima na mjestima gdje to nije dozvoljeno, te prosipanje motornih ulja i ostalih nečistoća.

Član 17.

Zabranjeno je uznemiravanje građana upotrebom zvona, kucanjem ili udaranjem na vrata stana bez potrebe, te radi prodaje robe ili pružanja usluga koje nisu ugovorene ili naručene.

Član 18.

Zabranjeno je zatrpavanje kanala za odvodnju površinskih voda, neovlašteno uklanjanje zaštite za vodovodnu instalaciju i kanalizaciju (šahte);

Zabranjeno je pomjeranje kontejnera za smeće, klupa po parkovima i šetalištima sa mjesta na kojim su postavljena, te paljenje vatre u i oko kontejnera i oštećivanje kontejnera.

III-NADZOR**Član 19.**

Nadzor nad sprovođenjem odredaba članova 2., 3., 4., 5., 7., 8., 9., 10., 11. stav 1, 12., 13. stav 2, 14., 15. i 17. ove Odluke vrši Policijska uprava Zavidovići.

Nadzor nad sprovođenjem odredbe člana 6. i 11. stav 2 ove Odluke vrši tržišna i turističko-ugostiteljska inspekcija.

Nadzor nad sprovođenjem odredaba članova 11. stav 3, 13. stav 1, 15., 16. i 18. ove Odluke vrši komunalna inspekcija.

IV-KAZNENE ODREDBE**Član 20.**

Novčanom kaznom od 500,00 do 2.000,00 KM kazniti će se pravno lice za prekršaj:

1. ako u naselju ili otvorenom prostoru bez prethodnog odobrenja ili mimo odobrenja upotrebljava aparate - muzičke instrumente sa pojačanjem zvuka (član 3. stav 1. i 4.),
2. ako izvodi i organizuje izvođenje muzike suprotno zabrani iz člana 4. ove Odluke,
3. ako stvara buku protivno članu 5. ove Odluke,
4. ako se ne pridržava radnog vremena iz člana 6. stav 1. ove Odluke.
5. ako za vrijeme državnih i vjerskih praznika radi produženo radno vrijeme bez odobrenja iz člana 6. stav 3.

6. ako toči alkohol u ugostiteljskim objektima ili vrši prodaju alkohola licima mlađim od 18 godina (član 11. stav 2),

Novčanom kaznom od 100,00 do 500,00 KM kazniti će se odgovorno lice za prekršaj iz stava 1. ovog člana.

Novčanom kaznom u iznosu od 200,00 KM do 700,00 KM kazniti će se i obrtnik, trgovac ili ugostitelj-fizičko lice za prekršaje utvrđene u stavu 1. ovog člana tačka 1. i 3. ovog člana, a za prekršaje iz stava 1. tačke 2., 4. 5. i 6. kaznit će se novčanom kaznom u iznosu od 500,00 do 700,00 KM“.

Član 21.

Novčanom kaznom od 100,00 do 300,00 KM kazniti će se fizičko lice za prekršaj:

1. ako na javnim mjestima gdje se stvaraju redovi građana stvara nered i ulazi preko reda (član 2.),
2. ako u naselju ili otvorenom prostoru bez prethodnog odobrenja ili mimo odobrenja upotrebljava aparate-muzičke instrumente sa pojačanjem zvuka (član 3. stav 1 i 4),
3. ako se na javnim mjestima ne pridržava zabrane iz člana 5. ove Odluke,
4. ako nosi i baca predmete iz člana 7. ove Odluke,
5. ako postupi suprotno zabrani iz člana 8. ove Odluke,
6. ako postupa sa psom i opasnim životinjama u suprotnosti sa članom 9. ove Odluke,
7. ako ulazi u prostorije i prostore iz člana 10. ove Odluke,
8. ako unosi i konzumira alkohol suprotno zabrani iz člana 11. stav 1. i 3. Odluke,
9. ako sjedi na objektima iz člana 12. stav 1. Odluke i leži na mjestima iz stav 2. istog člana,
10. ako ne poštuje zabrane iz člana 13. do 18. Odluke“.

Član 22.

Za prekršaje javnog reda i mira propisane ovom odlukom kazniti će se roditelj, usvojilac, staratelj odnosno zakonski zastupnik ako je izvršenje prekršaja posljedica njihovog propuštanja dužnog staranja o maloljetniku, a u mogućnosti su vršiti takav nadzor.

Član 23.

Kada službenici policije u vršenju službenih poslova i zadataka saznaju za prekršaj propisan ovom odlukom, mogu privremeno oduzeti predmete koji su upotrebljeni ili su bili namijenjeni za izvršavanje prekršaja, kao i predmete koji mogu poslužiti kao dokaz u prekršajnom postupku.

Član 24.

Ova Odluka stupa na snagu prvog dana od dana objavljivanja u «Službenom glasniku općine Zavidovići».

Član 25.

Stupanjem na snagu ove Odluke prestaje da važi Odluka o javnom redu i miru («Službeni glasnik općine Zavidovići», broj 2/2000) i Odluka o radnom vremenu u određenim djelatnostima na području općine Zavidovići («Službeni glasnik općine Zavidovići», broj 6/2002).

(M.P.)

PREDSJEDNIK KOMISIJE

Šabić Hasaga, dipl.pravnik, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE



Broj: 01-05-2563/14

Datum, 12.06.2014. godine

Na osnovu člana 12. Zakona o javnom redu i miru («Službene novine ZE-DO kantona» broj 8/00, 15/03 i 11/07), člana 8. stav 3. alineja 16. Zakona o principima lokalne samouprave u Federaciji Bosne i Hercegovine («Službene novine FBiH» broj 49/06, 51/09) i člana 25. stav 1. tačka 2. Statuta Općine Zavidovići («Službeni glasnik Općine Zavidovići», broj 5/2008 i 5/a/2008), Općinsko vijeće Zavidovići na 20. sjednici održanoj 12.06.2014. godine donijelo je

O D L U K U

o dopuni Odluke o javnom redu i miru

Član 1.

U Odluci o javnom redu i miru («Službeni glasnik općine Zavidovići» broj 2/12 – prečišćeni tekst), iza člana 6., dodaje se novi član 6a., koji glasi:

„Član 6a.

Općinsko vijeće ovlašćuje Općinskog načelnika da može, u slučajevima održavanja prigodnih sportskih manifestacija višeg ranga, posebnom odlukom odobriti organizovanje produženog rada ugostiteljskih objekata.“

Član 2.

Ova Odluka stupa na snagu danom objavljivanja u «Službenom glasniku Općine Zavidovići».

**PREDSJEDAVAJUĆI
OPĆINSKOG VIJEĆA**

(M.P.) Hadžić dr Amira, spec. radiolog, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE



Broj: 01-04-1019/17-AP-4

Datum, 31.3.2017. godine

Na osnovu člana 12. Zakona o javnom redu i miru („Službene novine ZE-DO kantona“, broj 8/00, 15/03, 11/2007 i 8/08), člana 8. stav 3. alineja 17. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06) i člana 19. stav 2. i 25. stav 1. alineja 26. Statuta Općine Zavidovići („Službeni glasnik Općine Zavidovići“, broj: 5/2008 i 5/a/2008) Općinsko vijeće Zavidovići na 6. sjednici, održanoj 31.03.2017. godine donijelo je

O D L U K U

o izmjenama i dopunama Odluke o javnom redu i miru

Član 1.

U članu 6. Odluke o javnom redu i miru („Službeni glasnik općine Zavidovići“, broj: 2/2012 i 4/2014) stav 6. mijenja se i glasi: „Zabranjen je rad objekata iz stava 1. tačka a) ovog člana u dane državnih praznika izuzev apoteka, specijaliziranih prodavnica pekarskih proizvoda i kioska za prodaju štampe“.

Član 2.

Iza člana 18. dodaje se novi član 18a., koji glasi:

„Član 18a.

- (1) Zabranjeno je na javnom mjestu prodavati, kupovati ili mijenjati domaći ili strani novac ili papire od vrijednosti.
- (2) Zabranjeno je na javnom mjestu, bez odobrenja nadležnog organa, prodavati ili nuditi na prodaju čestitke, časopise, knjige i dr.
- (3) Zabranjeno je na javnom mjestu isticati obilježja stranih organizacija i država.
- (4) Zabranjeno je na javnom mjestu prosjačenje ili odavanje skitnji.“

Član 3.

U članu 19. stav 1. riječi „Policajska uprava Zavidovići“ zamjenjuju se riječima: „Policajska uprave III, Policajska stanica Zavidovići“.

U članu 19. stav 2. se briše.

U članu 19. stav 3. iza riječi „članova“ dodaju se riječi: „6., 11. stav 2. i 18a“.

Dosadašnji stav 3. postaje stav 2.

Član 4.

U članu 21. stav 1. tačka 10. broj „18“ zamjenjuje se brojem: „19“.

Član 5.

Ova Odluka stupa na snagu prvog narednog dana od dana objavljivanja u “Službenom glasniku općine Zavidovići”.

**PREDSJEDAVAJUĆI
OPĆINSKOG VIJEĆA**

(M.P.)

Redžo Seferović, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



Komisija za Statut i propise

Broj: 01-03-1847/22-AP-2

Datum: 21.06.2022. godine

Na osnovu člana 13, 17. i 18. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022) i člana 33. i 44. Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/14 – prečišćeni tekst, 8/14 – isp., 9/14, 8/18, 8/19, 4/21 i 4/22), Komisija za Statut i propise na 5. sjednici održanoj dana 21.06.2022. godine, razmatrala je Nacrt Odluke o izmjenama i dopunama Odluke o javnom redu i miru, pa nakon rasprave donijela

ZAKLJUČAK

1. Komisija za Statut i propise smatra da je Nacrt Odluke o izmjenama i dopunama Odluke o javnom redu i miru, u skladu sa zakonom i drugim propisima.
2. Nacrt Odluke o izmjenama i dopunama Odluke o javnom redu i miru, dostavlja se predsjedavajućoj radi uvrštavanja u dnevni red sjednice Gradskog vijeća.
3. O realizaciji ovog zaključka starat će se Stručna služba Gradskog vijeća.



PREDSJEDNIK KOMISIJE

Arnes Sinanović, dipl. pravnik

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



**Komisija za budžet, finansije i
ekonomska pitanja**

Broj: 01-03-1847/22-AP-3

Datum: 21.06.2022. godine

Na osnovu člana 13., 17. i 18. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 33. i 45. Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/14 – prečišćeni tekst, 8/14 – isp., 9/14, 8/18, 8/19, 4/21 i 4/22), Komisija za budžet, finansije i ekonomska pitanja na 3. sjednici održanoj dana 21.06.2022. godine, razmatrala je Nacrt Odluke o izmjenama i dopunama Odluke o javnom redu i miru, pa nakon rasprave donijela

ZAKLJUČAK

1. Komisija za budžet, finansije i ekonomska pitanja prihvata Nacrt Odluke o izmjenama i dopunama Odluke o javnom redu i miru.
2. Nacrt Odluke o izmjenama i dopunama Odluke o javnom redu i miru, dostavlja se predsjedavajućoj radi uvrštavanja u dnevni red sjednice Gradskog vijeća.
3. O realizaciji ovog Zaključka starat će se Stručna služba Gradskog vijeća.

PREDSJEDNIK KOMISIJE

Amir Alić, magistar matematike i informatike



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



**Komisija za društvene djelatnosti,
ljudska prava, mlade i
ravnopravnost spolova**

Broj: 01-03-1847/22-AP-4

Datum: 22.06.2022. godine

Na osnovu člana 13., 17. i 18. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 33. i 47. Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/14 – prečišćeni tekst, 8/14 – isp., 9/14, 8/18, 8/19, 4/21 i 4/22), Komisija za društvene djelatnosti, ljudska prava, mlade i ravnopravnost spolova na 2. sjednici održanoj dana 22.06.2022. godine, razmatrala je Nacrt Odluke o izmjenama i dopunama Odluke o javnom redu i miru, pa nakon rasprave donijela

ZAKLJUČAK

1. Komisija za društvene djelatnosti, ljudska prava, mlade i ravnopravnost spolova prihvata Nacrt Odluke o izmjenama i dopunama Odluke o javnom redu i miru.
2. Nacrt Odluke o izmjenama i dopunama Odluke o javnom redu i miru, dostavlja se predsjedavajućoj radi uvrštavanja u dnevni red sjednice Gradskog vijeća.
3. O realizaciji ovog Zaključka starat će se Stručna služba Gradskog vijeća.

PREDSJEDNIK KOMISIJE

Haris Ibrić

